

**EMINENTISSIMO AC  
REVERENDISSIMO  
ARCHIEPISCOPO  
HIERONYMO DE  
ANDREA...**

---

Nicola Iovine



600658 SAN

17

EMINENTISSIMO AC REVM ARCHIEPISCOPO

**HIERONYMO DE ANDREA**

MARCHIONIS PATRIS FILIO OPTIMO

NEC NON

OB INNUMERAS EGREGII ANIMI VIRTUTES

IN SACRUM CARDINALIUM COLLEGIUM

NUPER MERITISSIME COOPTATO

**ODE**




NEAPOLI

EXCUDEBAT CAJETANUS NOBILE

MDCCCLII







Paulum sepultae distat inertiae  
Celata virtus. HORAT *lib.* IV. ode IX.

**V**IRTUS repulsae nescia sordidae  
Te prorsus aequum naviter occupat,  
Et clara semper Te per orbem  
Fama virum celebrat benignum.

~~~~~

Omnis paternae dulcia gloriae  
Non mente fracta linquere gestiens  
Romam petisti Te petentem  
Numine fausto animosus infans.





— 4 —

Isthic morantem Te pia charitas ,  
Te non profanus militiae labor  
Direxit , et Te semper ingens  
Duxit amor , studiumque recti.

Non vi paterna nunc Tibi debiti  
Prosunt honores , nec generosior  
Descendis in campum petitor  
Per titulos , memoresque fastos.

Nullus proborum Te magis integer  
Intaminatis fulget honoribus ;  
Tu sidus alnum , Tu minora  
Luna velut super astra splendes.

Factus Lemani Nuntius ultimi  
Confusa ponis dexter in ordine ,  
Et , cuncta miro jure servans ,  
Innumeros bibis aure plausus.



**Dignus virorum mercurialium  
Custos refulges , et , miserans gravem  
Gentis ruinam , saepe moestis  
Dulce refers animis levamen.**

**Non indecore Vir sapiens , pius ,  
Prudens ad unguem factus , et , optimo  
Regnantis almi corde gaudens ,  
Mille micas meritis onustus.**

**Virtute clarum Te Pius inclytus  
Extollit ergo , et vertice sidera  
Te celsa tangentem rubente  
Lana tegit medicâta fuco.**

**Hac sorte gaude , nam Tua gloria,  
Semper coruscans , nomen in ultimas  
Extendit oras et perennem  
Ipsa Tibi pariet decorem.**

— 6 —

At quo protervus me rapit impetus?  
Referre praestat multa silentio;  
Linguae favebo, et corde dicam  
« VIVE Pio, MEMOR ESTO NOSTRI. »

*In obsequio, et laetitiae signum*

*Nicolaus Iovinus*

CALENAE CATHEDRALIS ECCLESIAE CAN.



